

田  
間  
詩  
集

田間詩集卷第十九

答隱集

起壬子冬止癸丑

梁大司農玉立招飲有作

訪相邀賓問早閑論文同把夜深盃相逢南國交情滿  
坐上昔乍對西山爽氣來燕市自知難作客漢廷何意  
吳人獨憐才白頭皂帽渾無賴酒後狂談過不猜

刺字懷中肯漫投廿年江國御風流日邊兄弟三珠樹  
天半文章五嶽樓百草上階爭應接孤雲過慢亦扳留  
聽君吟唾皆鍾呂瓦缶如何可唱酬

大部吳門久播傳雞林聲價冠羣賢滄沱霧淨樓臺迥

鉅鹿秋高壁壘堅感興自多懷古調斷腸難誦悼亡篇  
尋常屬和揮毫得却到雷門氣索然

竹根盃換夜嚴初世法逢迎許盡除異代尚悲鉤黨禍  
同年曾接孝廉書謂家仲芳也知大老門原廣卽恐山人禮  
太疎好笑故交無尺素憑將三寸作雙魚

程周量職方席上作

廣南才子程職方高風爽氣莫可當畫向樞曹修政事  
夜尋詞客論文章詞客紛紛遍燕市職方客盡天下士  
上坐何來皂帽翁銜盃重話嶺外事嶺外風物近如何  
曾是狂生舊嘯歌遊仙夢裏虛名大劫火灰前勝事多

勝事虛名何處說，嘯歌回首情猶熱。公安老髯好箇章。

謂袁侍丘每歎程子才奇絕，記得偷閒南海來。詩册酒伴盡

追陪，被酒夜眠光孝寺。題詩朝上尉，佗臺詩成落筆人。

傳遍花田香浦爭遊燕，陳生謂喬落落鄜生癡。謂湛後

度問君君不見，朔風一夜海水飛。報道羊城已被圍，端

水弟兄同日散，蒼梧狼狽隻身歸。兵戈阻絕孤城遠，幾

人能向刀鋒免。天留程子活草間，一上南宮遂冠冕。江

村遠至老髯，背問渠眼力今何如。惜哉此翁晚節墮憐

才，藻鑑良不虛。萬事茫茫復何有，二十餘年空白首。曾

從武水寄相思，還到金臺飲君酒。酒酣慷慨說當時，說

向旁人那得知可憐兵後書焚盡猶記狂生兩句詩

周伯衡兵憲見訪論詩互有吟誦卽成長句奉

酬

片席塵凝啓幔遲先生繫馬已多時談深索筆親裁稿  
調合移牀互誦詩句到鍊成纔淺易情惟真極始新奇  
紛紛詞客矜風格此意如今說向誰

慚謝南州榻早虛

曾過南州蒙見訪已去廬山

芒鞋原只上匡廬間

門不袖狂生刺都市先勞長者車握手細將音句審忘  
形違覺遂迎疎如君風味今人少禮法應爲我輩除

八十老僧巢公小像素詩

德周兵憲伯衡魏環溪侍御之命

頭白都門老，戒僧心休不厭市。蠶陵一肩放下，千峰杖  
雙膝長跌。半夜燈罵世也，聞嗔尚在護身。惟有律堪憑，  
平生操履思傳後。要乞文章最上乘。

報國寺古松歌

報國寺中松幾株，盤拏鬱曲天下無。松下何年遂成市，  
市氣日盛松以枯。松惟耐寒不耐熱，榮枯一任誰分別。  
榮者翠巖餘清風，枯者落落存高節。殿前延壽兩樹最  
稱奇，枝枝倒挂橫階垂。根柯左右皆反紐，似欲奔赴相  
撐持。闌楯重重遮得否，一枝不顧墮地走。兩樹獨留一  
樹陰，此下應有神物守。我來樹下喜且悲，偃蹇空矜霜

雪姿毘陵毛生亦好事市塵囂處還題碑毛生腕力大  
於虎看松如看公孫舞振筆一揮字尺餘欲與此松同  
千古

菊隱詩爲嚳城陸翼王賦

我昔嚳城遊風物何清美秀色燦幽芳

嚳城多  
各花

正氣鍾

高士遂有黃先生邁世而獨起吾子學易人親承先生  
指邂逅燕市中悠然見素履所學必稱師發言皆妙理  
先生昔殉節回也未敢死辛苦搜遺文艱難撫孤子雅  
志悉已成古道今在此陶菴既千秋菊隱意有以菊亦  
不在花隱亦不離市祇此傲霜姿澹而靜者是我性本

疎放對君肅以止平生好圖象子必探奧旨安得三徑  
資同住柴桑里得酒互斟酌研經窮大始有時疑義析  
酣醉芳叢裏高聲呼陶巷爾知亦歡喜

龔伯通四十

春風初到帝城邊御柳官梅次第妍獻歲椒花猶滿把  
元宵燈燭已爭然共稱伯也懸弧日剛是尊公射策年  
富貴卽從胎裏出聰明真自性靈傳家由科目情難已  
身有官資任且懸堂上德星方瑞世階前玉笋又參天  
人言齒正當強仕我羨聲能繼大賢更喜老親闔道後  
精神徹夜伴賓筵



徐原一太史招飲

宣武門西太史廬北窗閒啓映清渠梨花照夜當軒白  
柳色粧春隔岸舒都下有才皆入坐榻前無架不堆書  
風流近數龔宗伯除却崑山外孰如

癸丑上元登白塔寺

寺傳遼后舊粧臺爲放游觀趁伴來南苑冰漸流漸漫  
西山雪盡翠新堆紅樓下見端門近紫禁平臨金殿開  
舉目故宮渾未改傷心一倍黍離哀

煤山

玄武門通一水環君王遺恨滿煤山廷爭未必南遷謬

駕出猶聞夜阻還滄海日沉長此暗青天龍去有誰攀  
卽今御苑傷心地草漬啼鵲舊血斑

正月燈夕後爲梁司農催妝

熏天花燭映三台北斗斜傾此夜盃五色雲扶雙璧合  
七香車擁六珈來梅思點額侵寒綻柳欲分眉及早開  
莫倚尚書官職大粧成不出待詩催

梁家西閣帝城傍隔幔瓊簫引鳳凰劉暉續絲仍趙女  
晉侯虛室待齊姜珠求合浦新偏媚花采連枝晚更芳  
遊燕履聲知得意六宮爭賜與添粧

雨中同方虎亦友陪龔宗伯過圓覺寺

久約看山期屢更恰逢朝雨出春城千林霧合遮門遠  
一路溪奔趁馬行樹杪凭樓雙闕迴雲中捲幔萬峰平  
尚書病起登臨倦小坐聊存物外情

都門雜咏

黑窑燈市早春開閒看游人擁巷來惟有關東多買主

家家載得滿車回

燈市

古寺松根百貨居珍奇滿目價全虛詞林無事逢期到

冷眼閒看指舊書

廟市

孤松野外恣盤桓屈幹迴枝繞院寒却笑慈恩寺裏樹

根株枯死尚爭看

刺梅園松

昨夜西風雨乍收  
黑龍潭上看新秋  
尚帶賓客樽前滿  
一半詞人是白頭

黑龍潭

### 酬王山長廣文

長沙才子氣如雲  
垂老雄姿尚出羣  
學舍半瓊聊借坐  
詞壇一席許誰分  
飢來倔彊陶元亮  
酒後淒涼鄭廣文  
不是遇君偏好辯  
辯才那得更如君

身每退山長輒與折辯竟席

### 嚴顥亭席上遇朱全古

長髯相逢認不真  
嚴公席上半遺民  
巨觥角量疑前世  
時輩聞名似古人  
往事淒涼南國夢  
何年流落藺門塵  
衰窮賴得傳書牘  
早賣文章養老親

全古詩子素說今有茶都下能以半

親

王敬哉宗伯邀同諸子集豐臺別業看芍藥卽事

十里豐臺路前朝萬柳園出坡晴景好夾道樹陰繁白  
屋栽花業青郊放水村尚書期客早載酒候籬門

鞍馬林間簇看花客早來蒼苔三徑破紅藥萬枝開照  
席霞同燦鋪階錦漫栽最憐初放好不用煖風催

欄漫百花叢相攜半老翁色欺霜鬢白夢倚曉粧紅歲  
月交遊重雲泥臭味同開年無酒興今日醉春風

小構殊疎豁憑軒朵朵浮可憐滄海客重伴子房遊多

病詩全減，追歡量不留。坐中無俗士，一醕一篇酬。飲我  
生有俗客索詩不得一字

陪龔宗伯飲王氏園卽事寓懷

尚書病起狎春風，約伴看春興。許同絲竹，偶然隨謝傅。  
樓臺何必屬萊公，樹陰祇借鄰園綠。歌袖遙憐，隔幔紅。  
却憶江南花正好，花時忙煞老詩翁。

送何信周下第

帝城桃李競芳菲，獨指千山叱寒歸。分手正逢修禊事，  
以上已到家應及換生衣。青青怪爾經時過，白髮嗟予  
後會歸計日阿翁花甲近，強收和淚慰庭闈。

燕江鄭元彥孝廉蘭谷山房索題

孝廉茅屋傍溪開  
谷口還篋入世才  
閒怪白雲穿幔去  
遠邀流水遶門迴  
千峰月向松間出  
三徑人從竹裏來  
獨有一窗分老友  
夜深讀罷共銜盃

燕臺送別稽曰還里

薊門秋到暑初殘  
蕭寺松聲送客寒  
亡命互憐雙鬢在  
破巢敢望一枝安  
衰年故舊分攜苦  
晚歲行藏自信難  
我有長歌歌不得  
恐題往事重悲酸

送何別駕次公之皖

長江萬里此咽喉  
吳楚分疆第一州  
峰色晴開天柱曉

濟聲夜送海門秋隨班坐候趨衙鼓出郭看收下網釣

君過樅陽勞備問射蛟臺畔北山樓

小樓名

### 送羅弘載入皖幕

江城府署最蕭疎風物遙憐入幕初村店家家酤白酒  
官廚頓頓厭鱸魚龍山雨霽開朝翠雁汊秋喧伴夜書  
見說羅含多逸興扁舟肯問野人虛

### 方虎第後擺庶常志喜一章

文章信有價遇合亦有時干將未出匣焉辨雄與雌時  
至發光怪望氣爭見知丈夫志以伸豈在速與遲吾子  
若雲彥弱齡聲譽馳一經三十年甫能貢京師騎驢天



街上素衣化爲縑宗伯今哲匠攬卷大嗟奇再試冠成  
均卓哉石鼓詩旅舍何蕭條賣文給朝炊次第登兩榜  
適逢明主司平生承蜩技到此了不疑人皆爲君喜君  
心竊自悲艱難甫一第帖暉從此辭追憶母氏教潸然  
雙淚垂竭遇木天選將還東海沿木天豈不貴所重英  
妙姿自非少壯年文采空陸離豈憶臨軒問名士無一  
遺遂使溝中木翻飛升天池可憐泥金帖聊慰倚閭思  
我客宗伯幕與君共一帷焚焚夜深燈書卷互相披有  
榻每更臥有酒亦共持談諧隨所適竟夕不言疲君敦  
兄事禮應以齒見推而我性疎放禮節無所施吾生志

千秋今已心血衰近喜文治興制誥將有詞視草任匪  
輕此事舍予誰古來重王言比之綸與絲皇皇與漢文  
併麗心所卑努力崇大雅毋使國體虧勉旃君師恩圖  
報良在茲

送胡妙山還里

燕臺不可住況是乍寒時客到都門賤歌逢酒伴悲世  
情今已見詩句後人知秋色江南好還山正及期

次許生洲雙松詩

萬斛濤聲百尺松風清不送早朝鐘池雖乍奪枝留鳳  
門豈難登樹是龍勁色直須看晚節高標何必踞孤峰

歲寒賴有同心伴，雪嘯霜吟過此冬。

夏日江友霞邀同徐方虎韓元少李協萬集郊

外祖家園言別分韻得園字

客聚同門彥，筵開淥水園。倚闌看過馬，解帶臥當軒。鶯老猶疑囀，蟬新不厭喧。白頭方外叟，醉後任狂言。

流水不知源，穿溪直繞門。亭臺悲故國，蘆荻憶江村。荷氣清三伏，藤陰蓋一園。憐君花筆傑，賦別更銷魂。

徐母范太君七十

海內大名徐孺子，堂前老福太夫人。遙憐玉殿宣恩日，正值瑤階獻壽辰。仙露分來千歲碧，斑衣賜出五雲新。

榴花照眼萱庭遠惟賴泥金送喜頻

題亭索贈孫嘉客六十

明聖湖邊舊角巾每逢嚴助話君頻一瓊坐對青山老  
五字吟從白髮新但是有錢隨買酒從來好客不知貧  
佳晨爛醉煙霞裏愧煞都門賣賦人

中秋後二日徐原一邀同姜西溟葉子吉張素

存遊西山馬上雜作

風塵雙眼暗出郭見青山爲赴故人興纔偷此日閒客  
心蹤跡外秋色有無間一往奇難盡相期信宿還

蘭若臨官道開門小院幽茗香行客戀詩句故人留

上壁

見沈仲得地能無坐趨程豈是遊海棠花覆砌且對滿  
蓮題句  
庭秋 摩訶菴

尋山逢寺入野趣是荒殘攬勝吾忘老攀崖客畏難河

流高處見

山頂望見  
盧溝橋

嵐氣晚來寒祇在前村宿蒼茫耐

可看

海會寺

不宿山中寺來投路口村有牆堪繫馬無坐可開樽

其家

方叔始  
宋成

待月且虛榻看山祇在門輪他徐太史耐與俗

人言

錯到寶珠洞遙聞鐘磬音崖危牽馬上路失遺僅尋眼  
界憑虛豁山門映雨深向來游興倦幾欲罷登臨

九松何代寺一路碧森森子落空庭響枝交滿院陰茗

香忘坐久苦厚覺寒侵向夕無人語微風送梵音感思寺看

九松

自松

不見香山寺到來耳目清過橋高樹合遶殿碧泉行風

起兼松響宵深作雨聲客來貪坐久藉草話平生香山寺與

子言橋

小憩憑虛檻還扶上嶺筇路盤千尺磴陰合萬株松月

出窺疎幔風生雜晚鐘石闌留客坐緩步到孤峰松

此地昔臨幸龍章額尚留神廟書來泉聲通寺聽月色

一軒收客醉偏懷右蛩吟白弓秋淒涼深夜話回首夢

中遊

酒後諸子  
歷詢遺事

零落西山慕歸鞍拜景陵寢荒搖麥秀牆缺過瓜藤正  
朔猶稱帝中官刺作僧昌平原廟近何日更同登拜景  
陵

玉泉源不測崖際湧如珠流作御溝水分來裂帛湖稻

梁平喇灌荷芰貼池鋪近說湯除疾前人此坐無遊玉  
泉見

生湯者  
紛紛

宗伯請告後同過興教寺和壁間宗伯原韻

蕭寺頻來為看山從前畢竟是偷閒如今得請真閒矣

纔真尋山到此問

定武閣

綠樹臨流小店開  
離城八里少人來  
尚書說似江南路  
坐到斜陽不肯回

贈張運青比部

玉堂才子出司刑  
朝論紛然盡不平  
官職敢將郎署薄  
人情終覺禁林清  
漢廷獄貴通經折  
中秘書偏讀律  
明每過師門陪弔客  
從君久坐見深情

病起哭龔宗伯八章

主恩初許乞身歸  
逆指家山興欲飛  
預擬舟航隨所適  
也知賓客未全稀  
詩篇唱和情難已  
煙水追從願竟違



定武開邊荒寺磴臨流箕坐舊漁磯

先生得請後到定武開見流木修楊

慨然憶江南風景坐  
懸久之歸致日遂歿

通籍登朝四十年上卿身後特蕭然交遊屢散千金囊

歸去曾無二頃田醫店尚賒扶病藥債家空指助喪錢

平生長物債人盡剛剩堆牀舊卷篇

日暮西廳坐客盈病餘斷酒看人傾小僮例定先期約

老友常歸犯夜行苔蘚緣階迷履跡管絃挂壁罷歌聲

如何隔宿成今昔

先一夜譙集如故  
次日病遂不起

每過廳前涕泗橫

去年促膝榻前時欣賞新詩悔見遲遍以篇章誇坐客

親為解釋示諸姬伯牙古調彈今罷莊叟狂談聽更誰

小豎竊知航鄙句檢攜泉路慰幽思蓋指之時小豎以拙對同淵集入後  
斗室呼瓊夜把盃常時中席我初來狂存故態偏相怨  
醉仰變童迥不猜觴政欲終防客去更籌屢報怪人催  
紙冷簾幙依然挂蛛網閒封孰忍開

詩酒風流老未除臨亡底事忽踟躕信心定是由前劫  
學道從來笑俗儒大抵聰明終不昧卽今恩愛可全無  
頻年逝者多同調莫歎茫茫冥路孤先生每言泉路茫茫得好友作伴足  
以不恨

夜見三台隕大星一時哀悼動朝廷詞流屈指虛壇站  
後輩驚心喪典型陰德漫言能益壽高閭惟信有傳經

通都行路皆嗟歎祇此嗟聲大可聽

經旬車馬動朝昏但見靈輻有淚痕泣血孤能當大事  
陳情疏已荷殊恩故人未散孫弘閣狎客猶存翟尉門  
知在九原無所恨楚詞不用賦招魂

容園讌集酬王胥庭大司馬

各園曲曲可扶筇誰信高齋膝僅容

園取容膝深巷人易安之義

來蒼蘚滑小橋客過野花穠朝回獨坐今司馬吟罷經  
行老秩宗倘許楚狂堪唱和不嫌乘暇日追從

叱蹇衝筵最後來偶隨野興徑登臺秋清北闕千重見  
日暮西山萬疊開豈謂風塵存綺夏却逢賓客讓鄒枚

對君大有論詩興好待詩朋更把盃

是日坐有二客不堪唱和

王敬哉先生初度相邀爲西山之遊不獲去却

寄

西山蒼翠望中浮屢荷招攜不自由聞過柔乾欺道險  
直騎叱撥亂溪流揮毫未倦通宵興緩響全收滿路秋  
即使追陪吾已憊似君老健正堪遊

病中呈孫北海先生

長安市上風塵昏先生塵中獨閉門連雲甲第歌鐘起  
先生門內冷如水先生行年八十餘他無嗜好惟著書  
上窮六經下史氏微言治理盡發藪手批口誦無時息

耳聾眼暗罷不得餘閒輒復工法書下筆腕有千鈞力  
平生意氣故昂藏巋然乍見鬚眉蒼人間聲色久寂寞  
古先法物堆盈林先生先朝舊司直抗顏常在烈皇側  
卽今遺事向人談猶觀當年立朝色田間野客素不羈  
握手片語心相知授餐解衣世所感磊落之譽吾何辭  
達人輒稱爲  
嘉善多英先賢碑記亦已錄遺書在篋何時窺先生  
融堂碑記付錄許  
以手批史漢見示先生未衰吾且老頃者一病幾不保  
公子顧我榻前來深煩長者榮懷抱病中苦悔讀書少  
此生去來何草草天假我年必有因起來重問先生道  
病中蒙徐原一太史顧我榻前言別伏枕有作

送其南還

人生相知不在久徐子一見爲吾友茲晨我病子南歸  
直到牀前握我手衰年伏枕與死鄰寸心欲語難開口  
可憐徐子血性人衆中遇我情獨親平生交接最疎懶  
投君一刺風雪晨劇談荒寺肝膽露手把詩篇諷咏頻  
去秋差典京兆試嘗變文風拔奇士寄文到眼人不收  
涕泣爭之甘受累朝廷翻奪主司官遭際比爲門生喜  
世上愛才徒虛名如君此說復誰似同人八月西山遊  
夜宿香山泉上頭虛窗月皎泉聲好苦將前事恣討搜  
老夫辭中如說夢傾耳爭聽泉不流嗟君意氣向誰流

師友之間情獨苦宗伯易簣君在傍終夜隕泣紛如雨  
公子感動輸至情周全後事君爲主我聞拊牀大稱善  
古人交情生死見今人不識君古人祇將兄弟科名羨  
君今暫歸慰倚閭予亦還家守舊廬此身一病一回老  
晤言卽恐從今疎故鄉相去千餘里何時寄我從陽書  
寄朱錫鬯通州幕中

吾友朱生家尚里相國會孫名父子圭璋自是廟廊珍  
翻然竹垞稱高士予亦避世栖田間相逢却在長安市  
君之才名四海知諸侯爭致惟恐遲金石碑版搜欲盡  
大書小篆無不奇文章落筆妙天下餘技尤擅花間詞

我有才華亦驚索況復老病心情惡宗伯歿後心最悲  
欲哭長歌不敢作病中聞子八哀詩伏枕吟之淚潛落  
子詩情至後必傳每誦子作心爽然此事亦恐應酬奪  
喜子近得主人賢古人著書須閉戶況有竹垞堪歸田  
我老不忘舊遊地猶擬來汎南湖船

晚過葉子吉編修有作

天街塵凍馬蹄乾門掩雙扉暮色闌蒼蘚半階綠客破  
青氈一榻向人寒暇時擬問圖書秘直日常輪記註官  
更勅講章親繕寫先期呈進御前看

應門不報徑披帷乍見纔如出定時東觀繕餘無秘本



西山遊過久新詩文逢主好頻催試官讓人先一任遲  
却怪老狂疎拙甚論心偏荷最相知

之通州途中遇風有懷錫鬯幕中

客程遙指近通州風起塵昏障馬頭髻面逢人驚土偶  
車輪爭路鬪泥牛翻悲滄海掀揚日却憶乾坤混沌秋  
咫尺城中油幕客攤書正坐擁重裘

客店不寐寄懷錫鬯

襪被單裝宿潞河風嚴旅舍夜難過博徒徹夜呼梟雉  
軍吏當門擊馬騾鼓絕三聲更漸緩窗開一罅月偏多  
高朋擬共圍爐話隔院天涯奈我何

題錫鬪荷鋤小影

見說栖山未有山，一生心事此圖間。  
每因雨夜催耕起，恰向溪頭放水還。  
自去自來誰作伴，爲農爲圃總成閒。  
嗚人欲問柴桑路，祇在南湖角里灣。

哭陳庸倩

二十年來客帝畿，空餘靈旆返山扉。  
遊于垂老真宜倦，病到臨危不及歸。  
河路問關移櫬遠，交親寂寞助喪稀。  
哭君遺自傷，遲暮江國今存幾布衣。

未衰早見髮全新，酒後揮毫徹夜頻。  
賣賦舉家皆待哺，謀生半世祇成貧。  
帷前哭踊嗟猶子，遠南城至身後經爲治喪

管仗故人

後事昔野亭為經理

檢點遺篇增涕淚總由此道損心

神

季冬望後李湘北司成大集詞客作公燕詩索

和

自我適京邑兩見歲序移杪冬候又半圓月漸以虧賴  
有同聲友文酒日相追士史金閨彥司成國子師下士  
每折節雅道賴總持良夜設高宴所集英妙姿華燈燦  
廣席饜醑湛清卮授簡集錦句揮翰成麗詞娛情聲律  
間何必竹與絲長安盛游客文采良在茲亦有數白叟  
言是壇坫遺廟坐羣彥中顧影黯然悲大史發高唱云

氣何淋漓和者珠玉盈迅若風颺馳平昔闕篇章今老  
無能爲坐看汗血奔益覺駑駘疲奉教完斯篇甘受  
罰遲

送張素存編修假歸省親京口

張翰扁舟去莫攀宦情早爲乞歸閒囊因好學常資筆  
門畏求書只掩關計日瞻雲趨北固臨時騎馬別西山  
老夫穩臥江村久翻滯長安送爾還

吳茂孫謁選都門晤間有懷王而農

憶昔分攜端木濱同時去住困風塵天南十載悲逋客  
冀北三冬遇選人吾道未妨蹤跡異交情終在亂離親

衡山曾問牆東隱聞說終年舊角巾

癸丑歲暮飲退翁齋憶芝麓宗伯同紀伯紫作  
歲暮開樽話客愁對君猶見古風流中朝典故存黃髮  
海內交情重白頭耆舊可憐遺一老見聞都合付千秋  
酒闌忽洒西州淚寂寞那堪碩果留

田間詩集卷第十九

田間詩集卷第二十

客隱集

甲寅

甲寅元旦

時有沙雁之聲

兩度逢元旦三年客帝京  
應酬當事廢慶拜故鄉情遲  
暮嗟羈旅餘生望太平  
湖南消息斷即恐未休兵

風鶴江城近羈人慮萬端  
久無家信至空持酒杯寬  
亂定傳聞始兵過客路難  
蘆溝魚有禁何處寄平安

時蓬溝橋

得書不

新春連日大雪口號二首

一冬雨雪無消息自入新春總未晴  
大宅人稀煙不起

時蘇氏僮僕俱散去天街馬踐淖難行  
擁爐坐久灰頻陷呵凍書  
勤筆有聲游客日來南去盡  
窮愁獨滯老儒生  
北山樓上小窗閑遙憶窗前雪  
滿山眼暗茅檐飄撇處  
氣昏蕭寺有無間將枯老樹寒  
偏古半破懸崖凍莫攀  
江上晚來多畫意却緣底事不能還

送嚴孫友南還

扁舟冰雪阻江關匹馬衝泥去莫攀

初約余共舟南還以冰堅改從陸去

紫陌豈容淹阜帽白雲終是戀青山  
侯門謝客原耽靜幕府留賓未許閒  
見說主人情繾綣質君書卷要君還

贈張豫章

雲間詞客滿京都公子才華絕世無  
乞句筵前佳麗集  
求書門外吏人趨  
揆懷散給皆爲錦  
擲地爭看并是珠  
心血富饒應愛惜  
似余耗却老全枯

金門射策有家傳  
賣賦長安亦偶然  
謝客偷閒春雨裏  
溫經得力夜燈前  
交游已盛難辭酒  
文字雖工不值錢  
堂上老親今七十  
稱觴須待錦衣旋

贈陳緯雲

一春高會帝城頻  
密坐論心爾最親  
席上應酬駢句好  
花前贈答小詞新  
興逢得意先判醉  
情到傾囊不顧貧  
却憶阿翁交滿世  
名成端藉後來人



方虎苦貧詩以慰之

茗溪才子玉堂賓  
擁戶蕭條風雪晨  
我自病餘真覺老  
君從第後轉憂貧  
質衣莫漫邀尊酒  
減米惟應散僕人  
近日國門稱貸絕  
脫簪遠寄恃嬌親

酬徐公肅司成

君家兄弟交情古  
前輩風流今尚存  
庭館慣留高士榻  
生徒矜出大賢門  
邀歡徹夜神逾王  
折節窮儒道益尊  
幾度登筵頻值雨  
銜杯堅坐聽狂言

頭白名壇未見遺  
每逢開閣亦追隨  
微言妙解詎諧裏  
雅量爭雄半醉時  
序坐自傷衰老僭  
論心先荷令兄知

南歸倘踐扁舟約準寄西堂唱和詩

時健菴有信見約

### 贈黃伯和庶常

談諧永日接清歡冰署依然僧舍寒  
導引有功應自恃篇章過目不重看  
攀花上苑偏驚易索朮長安轉覺難  
莫信仙師教采藥幾人乞得大還丹

伯和學道有  
效末句諷之

### 將出都留別方虎

同學情親欲二年雨聲燈影夜窗連  
故人未許辭蓮幕才子爭推入未天  
作宦較添爲客累成名翻奪賣文錢  
憐君多病無僮僕那得分攜不黯然

直性多言汝不猜相知豈只互憐才  
爲親師友移居近

欲話窮愁緩步來情至反無詩可贈交淡都覺禮堪裁  
卽今朝夕惟張翰誰叩閒門日幾回

贈王五兄子喜

謝傳庭前玉樹枝穿雲裏露總稱奇友于樂在承歡日  
富貴生從墮地時設榻慣留南國客耽吟苦愛老夫詩  
可知第五名原重不藉家聲已共知

天津道上作

漫漫官道一沙平向曉沿溪破霧行村市蕭疎憑指顧  
河流屈曲與逢迎交叉路口隨驢去亂塚堆邊竝馬耕  
遲暮未嗟筋力憊加鞭猶可及前程

去歲凌兢出國門，潞河中返待春溫。  
短裘風急寒仍重，大漠塵高日易昏。  
小妓暗通留客店，兒早候換驢村。  
春來漸少南船到，關務重重亦太繁。

天津門書所見

雙流遙隔指津涯，滯郭炊煙十萬家。  
上籍有貨惟賈客，貨鮮無日缺魚蝦。  
開關市浦南來貨，過渡人迎北去車。  
近報傳烽爭買宅，許多潛避出京華。

天津總署與徐巖叟話舊

帝城東出向天津，破帽衝風訪故人。  
離政歷年頻奏最，吏才何處不稱神。  
梗萍忽散滄江遠，草笠重逢白髮新。

屈指分攜三十載荷君猶念昔交親

憶在閩鄉悵別年紅燈綠酒話烽煙雲霄取路君偏捷  
虎穴抽身我倖全遺愛每聞人吏誦交情時有宦遊傳  
卽今回首論心地水碧山青盡可憐

古驛蕭條吏散初殷勤猶接使君書祇知遠害身宜隱  
豈謂迷厓計轉疎遠渚漫尋鷗鳥夢名山盡屬虎狼居  
當時百折崎嶇裏說向尊前應晒子

近歲枿欄我再過吟詩踟躕故山阿隨車老吏身仍健  
侍酒鬢童髻已皤東國爭傳新政事南天猶憶舊絃歌  
看君高足今初躡自分泥塗柰老何

留別韓元少脩撰

書生特達主恩新臭味偏憐老逸民道在篇章類同難  
情緣師友倍交親賜衣質酒時招客受詔脩書數避人  
方脩孝却笑同門徐太史比君高興共君貧  
方虎娶姪  
元少仍獨  
處

嚴子問七十顯亭索詩為壽

憶昔文壇樹幟年君家兄弟最多賢門庭好客論交慎  
家世為儒信佛偏晚歲應裁居士服佳晨早上放生船  
莫嗟合浦珠顛失子問連有喪明之戚老蚌光明正燭天

宗門一向苦參求七十年來了得否知己弟兄為至樂

賺人兒女豈淺憂天饒歲月看滄海世讓湖山與白頭  
料想懸弧朝避客藕花淡處繫扁舟

暮春出都門馬上口號

輪蹄逐伴出春城一路看山信馬行恰是今朝好晴景  
千峰讓出雪蜂明

三月春光柳色催梨花迎客馬前開熏風一樣江南好  
只苦紅塵撲面來

青青麥菜滿平疇楊柳村邊萬綠稠最是桃花關不住  
出牆陣陣紫煙浮

青郊一望柳千條路口人家帶白茅楚客祇疑新筍迸

檀欒抽出過牆梢

途中雜詩

京西千里地衮衮入黃埃  
兵過村皆廢人稀店不開  
軍麾同路發羽騎卷塵來  
向晚爭投宿前途立馬催

去住由人制行藏  
自赦顏無邊河北路不斷太行山  
百戰興亡地千秋指顧間  
平生懷古興未許馬蹄閒

未到清風店聞名心已清  
兩邊高柳合一帶晚蟬鳴  
疲馬迎涼繼征衣入暮輕  
加鞭思驟步猶起少年情

雞鳴行李動逐伴耐朝飢  
小驛人爭馬空牆客和詩  
雨遮襄子國沙沒信陵碑  
滿目悲歌地乘軒那得知



何年開甬道今已半顏垣砦散防兵打村空賀婦存梨  
花迎路放柳絮逐塵翻燕趙佳人地誰銷浪子魂  
結茅無比屋茅屋皆特起如亭寄竇信如圭沙闕榆分陌疇平  
麥少畦雨中黃鳥度煙外杜鵑啼客伴愁相失南征馬  
不逃

又十一首

常山形勝地城郭至今雄客起悲歌與人存河朔風干  
峰凭堞近一水繞壕通想到荷花放清香滿郡中真定府  
春淡沙不凍未曉沙津沱水落無舟候橋平竝馬過波  
聲東去小山色北來多何事諸將來冰急渡河津沱河

十里沙河路離城一望平過風無去迹植石表前程浩  
浩江心渡漫漫雪裏行殷勤吾老友遠訊見交情過沙

杜三遺  
騎見賦

過盡沙河路林陰暫駐鞍忽驚追騎轉遙擲赫蹄看敘

別廿年久經過一面難僮兒傳遠念述罷涼汎淵示劉  
杜三

使  
者

古藤何代樹花覆書冥冥引蔓垂千尺分陰蓋一庭逢

僧邀小憩立馬喚微馨底事炎曦裏衝塵不暫停壽藤  
卷

來往邯鄲道廬生正熟眠人嗟方入夢吾羨是真仙印

此機全息原無道可傳勞勞塵裏客高臥是何年荷葉  
表

平生懷鄴下白首渡漳河風急爭舟楫沙淡陷馬羶三  
臺不可見疑塚至今多千古英雄恨無如老去何

孤城煙不起近市小橋通立馬殷墟地長懷衛武公

漫淇水響蕭瑟竹林空漢上今何處臨流憶國風

我懷淇澳竹欲見一竿難聞道百泉上森然萬箇寒官

斷求異味新荷佐朝盤却憶江南客僧房正飽餐

衛輝署中  
初食

渡口行將近前驅吏過曾河催官早祭舟讓馬先登到

岸風偏順中流浪始興南歸從此便無意更憑陵

汴城感舊

過黃河

千里長堤護築牢一時魚鼈劫難逃沙平決口流全改  
屋出城頭地益高睥睨栖鴉繞有樹田疇負郭久無壕  
居民百萬生埋沒井下時聞犬夜嗥

人事天心迴莫猜夷門駐馬不勝哀城頭官棧浮皆出  
地底人家死未灰花石可能尋良岳悲歌只擬上繁臺  
周王宮殿初沈水猶照朱屏幾扇開有若河初決時水  
猶於水中見  
殿門影三

大梁署中示余鴻期諸子

栖同小院臥連牀茶罷軒軒午夢長高柳隔牆常借蔭  
雜花滿架乍來香裏時祇幸傳聞妾望雨偏嫌早暮涼

却笑素餐諸老友殷勤莫助主人忙

自愛松風沸茗鐺取泉郭外苦無清閒看僕園新調馬  
夢怕江鄉數過兵窗暗知更漏促庭虛兩見月輪明  
湖南閩嶠軍書斷樂得官衙話太平

寄懷都門六首

三年官舍酒頻傾自出春明悔此行坐上談疎清簟冷  
籬邊履罷紫苔生靴裘贈別登程便藥餌扶衰上馬輕  
微過黃河分路去徘徊淡惜故人情

余在虛  
民部

詞林不次荷恩光橐筆朝朝侍御林蓮燭撤來歸院晚  
宮衣著出退朝香從游應制多風諫啓沃輪班進講章

料是天炎今暫輟閒吟時憶老詩狂

孫元鼎詩

三策名高動帝京披帷還聽讀書聲應酬不廢神常靜

薄血常除性本清豈為持經多道氣更因力學慎交情

懷君此際緘窗坐我正衝塵冒暑行

董方南

王家最小佳公子過市愁人擁巷看綵筆巧露吳女黛

細君為

斑衣獨炫子衿寒

一門中獨為諸生

尚書垂老偏憐少

司馬為兄亦覺難遠憶紙窗花覆處書聲隔院正承歡

王六兄于靜臨

別索句却寄

青箱堂上別筵開大小尚書共把杯經學家傳憐一得

詞壇世擅賞微才夢回東閣留賓住身悔中州入幕來

已約繁臺秋後出故人書札莫先裁

王敬哉行廷尚書喬梓許致書中州

當事為刻勸學諸書

兩年賓閣動招尋自別春明悔至今忘分祇緣同學早  
相知終是舊交淡田園穩臥何時事經學流傳此日心  
我到嵩山遊即返窮愁肯向俗人吟

嚴顯亭副院

由汴入雒途中雜述

汴城西出路漫漫古驛蕭條客店殘正好三更催勒馬  
但逢獨樹一停鞍荒田待雨耕人少赤地無陰候吏難  
逐伴隨車傷老大道傍指作幕賓看  
炎夏趨程使者車紅塵一路馬頭遮茨梁喜見堆場麥

首嵒開絕域花過巽嶺陪常例酒回鞭爲受結緣茶  
汴渠堙盡成官道何處堤楊有暮鴉

崎嶇京索馬蹄艱劉項相持在此間狹路經過餘絕澗  
平原指去是青山清風不進滎陽隘斜月猶懸汜水關  
紀信祠前芳樹合無由暫駐一躋攀

平生攬勝未辭勞杖筇先登度虎牢忽聽水聲知洛口  
遠回山勢見成皋舟航尚憶版倉近戰伐徒餘壁壘高  
立馬提鞭聊指顧元龍老去氣空豪

帶郭岡巒互北邙嵩山回避遠蒼蒼沙邊上日瞻星白  
渡口無風見水涼斷袖童憨偷蹴馬采藍婦早省喬妝



迎車大有都人士文物遙憐舊雒陽

渡洛水望二室懷登封葉慕廬明府

我從洛口渡馬首萬芙蓉念子彈琴處門前翠幾重雲  
開分少室月出正中峰夜半吟詩罷時聞岳頂鐘  
成泉迂道出特地避嵩山常恐遊人意遙存蒼翠間俗  
情寧足怪吾事肯空還定擬尋仙令秋來到處攀

贈戴生生爲應子山所囑攜入署中

休嫌老去興無窮賴爾相依入幕中慧質清姿憐不盡  
最憐肯戀白頭翁

爲愛鷓鴣曲調悲閒窗偷學畏人知老夫欲試春鶯啞

先教低聲背小詩

非絲非竹有清音  
擁榻居然洛下吟  
天性愛親風雅客  
虞疑詩卷是琴心

吳漢章曲師索贈

名擅歌場四十秋  
也知狂客舊風流  
彩毫拋擲湘絃啞  
一樣人欺老白頭

別朱雀門學憲

衝炎遠逐後車塵  
白髮慙充幕裏賓  
久已諸侯爲刺客  
幸隨老友作閒人  
風煙滿目傳聞惡  
兒女關心夢見頻  
況聽秋聲歸益切  
滄江還有舊漁綸

留別余鴻期

燕臺傾蓋忽三年來往頻過寓館前  
茗熟早虛高坐待榻陳一任老夫眠  
詩篇好我常親寫經學逢君恨未傳  
別後倘因歸路便從陽江上暫停船

湖海平生興不窮無端老去閉樊籠  
論心賴得滄江伴

入夢虛隨白髮翁先時鴻期夢與余共事漫擬買山娛暮景且期

歸馬趁秋風應知別去時相憶茗椀燈窗半載同

宿鞏縣

高山不可到夜宿洛川東小縣破山下  
人家陶穴中成皋分楚漢廣武笑英雄  
工部坊虛設杜東故里有坊何人繼大

風

南還途中雜詠

纔入新秋別洛城，聞雞起趁早涼行。  
芰荷香裏江村夢，麻菽葉邊山雨聲。  
伴有北人先膽壯，騎須快馬始身輕。  
殷勤健吏相扶侍，一路安閒老友情。

在門道吏相送

南風拂面雨來初，半日常行百里餘。  
路穩恰逢兵甫過，塵清頓覺暑都除。  
輕車大抵通秦晉，風物遙憐接鳳廬。  
但聽鄉音頻借問，隔江烽火信近何如。

宿道口題和壁間韻

風塵十日變容面，一程一程近鄉縣。  
菅麻葉上雨聲催。

歸德城樓遮不見道傷茅屋且停車迎門老翁六十餘  
問年與我生同歲閒坐收錢媿不如

燕關訪蘇韋玉進士信宿晤新安程抑若卽席

言別

布帆收港雨初昏小艇尋君直繫門屋辦貯嬌權下榻

韋玉方治

客惟求舊與開尊

程君為韋玉受業師亦老詩人篇章未

覺才華盡壇坫猶憐碩果存莫怪故人容易別上游風

鶴近江村

燕關訪房興公庫部權使

二月分攜出帝京忽驚江岸徧秋聲看山氣到關門紫

挂席風因使者清  
兵馬沿途游興倦  
家鄉隔岸客愁輕  
也聞榷稅蕭條甚  
可遂平生好士情

蒲颯風利柁如飛  
叩閣爲遲一日歸  
商趁官廉輸稅急  
船愁兵過上關稀  
軍興國課知難減  
客到朋尊願不違  
我住縱川一水便  
詩筒頻與寄漁磯

與公邀同唐祖命楊吉公夜集南禪寺限韻卽

成

年來唱和半關中  
草草江城集偶同  
僧舍乍開黃葉徑  
吟壇還試白頭翁  
銜杯待月寧辭醉  
刻燭催詩豈顧工  
爲語羣公趨授簡  
莫教獨讓老夫雄

向友人乞白菊花

菊乘秋氣放白更稟金精能益顏顏壽兼開老眼明相  
尋常冒雨數問爲餐英采摘東籬下應憐遲暮情

過淡莊與劉超宗有卜鄰之約

大龍溪處一莊偏野碕荒橋屐屐穿葉滿林塘尋去路  
松藏屋宇見炊煙杜門每趁完詩債好客多虧賣盡錢  
我老欲依姻婭住煩君爲覓近山田

過有懷便足樓有作

壘石倚家山登臨不啓關湖明疎樹外屋小萬松間意  
取讀書便身因知足閒老夫頻到此容易得躋攀

雨中又作一首

竹裏廚煙起雞鳴自一村地高皆可見宅近竟無喧潮  
縮湖光破雨搖山氣昏與君三世好來往幾人存

同有懷超宗自柴嶺下過程怡籍居不得留

策杖來從嶺上頭竹間茅屋苦相留每遊客散斜陽裏  
辜負山家滿院秋

射蛟臺懷古

漢皇此地駐樓船萬里旌旗在眼前遺蹟尚誇今父老  
荒臺空憶舊山川邊溪楓葉寒漁屋夾岸蘆花白渚田  
陵谷幾隨人事變等閒興廢漫淒然



酬將樂余不遠過訪田間

自別雙峰鬢總華五年三到老夫家  
新詩小閣留題在暮雨荒村問路  
除羈旅所資惟筆墨亂離何處是  
生涯要君度歲無他獻屋角寒梅正  
放花

示冠孫

吾孫七歲卽知音能讀翁詩繞膝吟  
可識老翁吟太苦推敲耗盡一  
生心

飲先官保墓側人家

雨暗尚書墓秋淡處士家室香初  
製藥庭小穉生花蟹早村難得漿  
新市肯除自矜今晏起聽鼓趨衙